


Qaammatini arfinilinni kingullerni atuisunut akit 0,5 procentimik qaffariarput

Ukiup affaa kingulleq tassalu jannuaari 2014-miit juuli 2014-mut akit nikinnerat 0,5 procentiusimavoq, ukiumut siulianut sanilliullugu akit nikinnerat qaffasinneruvoq. Jannuaari 2013-miit juuli 2013-mut akit nikinnerat 0,4 procentiusimavoq.

Juuli 2013-miit juuli 2014-mut atuisunut akit 1,4 procentimik qaffariarput. Ukiumut siulianut sanilliullugu qaffariaat annertuneruvoq. Juuli 2013-miit juli 2014-mut akit nikinnerat 0,9 procentiuvoq. Qaammatini aqqaneq marlunni atuisunut akit procentinngorlugu qaffattarnerat malittuani nalunaagaavoq.

Qaammatini 12-ni atuisunut akit procentinngorlugu qaffattarnerat



Nioqutissaqatigiit ataasiakkaat akiisa nikerarnerat

Atuisunut akip naleqqersuutaa akit nikerarnerat nioqutissaqatigiillu tunngavittut naleqqersuutaat aallaavigalugit naatsorsorneqartarpoq, tamanna pissutaalluni nioqutissaqatigiit assigiinngitsut akiisa nikerarnerat annertoqatigiimmik pingaaruteqarneq ajorpoq.

Jannuari 2014-miit juuli 2014-mut nioqutissaqatigiinni akitigut qaffaaffiunerpaasut ukuupput: *Inuussutissat allat* (2,4 pct.) *Immuk, immuup qalerppenera, immussuaq, mannigit* (2,2 pct.) taamatullu *Neqit, neqinillu nioqutissiat* (2,1 pct.). Nioqutissaqatigiinni akitigut appariarnerpaapput: *Atisat isikkatigullu atukkat* (2 pct.).

Jannuaari 2014-miit juuli 2014-mut nioqutissaqatigiinni ataasiakkaani akip naleqqersuutaanut malunnaateqarnerusimasut makkuupput: *Neqit, neqinillu nioqutissiat*, 0,12 procentimik akitigut qaffassimasut, *Sunngiffik kultuurilu*, 0,12 procentimik akitigut qaffariartut aammalu *Assartuineq*, 0,08 procentimik akitigut qaffariarsimasut.

Atuisunut akit naleqqersuutaannut sanilliullugu annikilleriarsimasut nioqqutissaqatigiit taaneqarsinnaapput: *Atisat isikkatigullu atukkat*, -0,06 procentiusimagami.

Ikummatissatigut akitsuinerit 1. agusti atulersinneqartut, akerlianik akiusut nikerarnerannut takusassiami sunniuteqanngilat.

Akitsuinerit pineqartut, 2014 ukiuata aappaani, tassalu 1. januar 2015-mi saqqummiunneqartussami, naatsorsuutinut ilanngunneqarumaarput

Nunatsinni akit ataatsimut qanoq isikkoqarnerat Naatsorsueqqissaartarfiup nittartagaatigut pdf-litut aaneqarsinnaavoq, www.stat.gl iserfigalugu. Paasissutissanik annertunerusnik pisariaqartitsisoqaruni Naatsorsueqqissaartarfiup pisortaa Anders Blaabjerg oqarasuaatikkut toqqaannartukut 34 57 81, imaluunniit e-mailikkut abla@stat.gl atorlugu saaffigineqarsinnaavoq.